



Na osnovu člana 3. stav (1) Zakona o službi u OS BiH ("Službeni glasnik BiH" broj:88/05, 53/07, 59/09 74/10, 42/12 i 41/16), a u skladu sa odredbama 2., 20., 21., 22., 23., 24., 25., 26., i 27. Pravilnika o školovanju i usavršavanju u MO i OS BiH broj: 13-02-3-1632/10 od 01.04.2010. godine, na osnovu dopisa Ureda odbrambenog atašea Ujedinjenog Kraljevstva Velike Britanije i Sjeverne Irske u Sarajevu od 20.12.2018. godine, a u cilju odabira kadeta za školovanje na Vojnim akademijama u inostranstvu, Ministarstvo odbrane Bosne i Hercegovine **raspisuje:**

**JAVNI KONKURS**  
**za školovanje kadeta na Kraljevskoj zrakoplovnoj vojnoj akademiji Cranwell u**  
**Velikoj Britaniji, za školsku 2019. godinu**

**I – PREDMET KONKURSA**

Ministarstvo odbrane Bosne i Hercegovine raspisuje javni konkurs za školovanje jednog (1) kandidata ženskog pola (zahtjev organizatora - MO Ujedinjenog Kraljevstva Velike Britanije i Sjeverne Irske) na Kraljevskoj zrakoplovnoj vojnoj akademiji Cranwell, Velika Britanija, za školsku 2019. godinu.

**II – USLOVI KONKURSA**

- 1. Opći uslovi** su propisani članom 9. Zakona o službi u Oružanim snagama BiH ("Službeni glasnik BiH broj: 88/05, 53/07, 59/09, 74/10 i 42/12") :
  - a) da je državljanin Bosne i Hercegovine,
  - b) da je zdravstveno sposoban za službu u Oružanim snagama,
  - c) da nije osuđivan na bezuslovnu kaznu zatvora u trajanju dužem od šest mjeseci,
  - d) da nije prethodno otpušten iz državne službe ili pravnog lica zbog povrede službene dužnosti u posljednje tri godine,
  - e) da se protiv njega ne vodi krivični postupak za krivično djelo za koje se goni po službenoj dužnosti,
  - f) da mu pravosnažnom presudom nije zabranjeno obavljanje određenih djelatnosti, odnosno dužnosti za vrijeme trajanja takve zabrane,
  - g) da ima odgovarajuću stručnu spremu potrebnu za obavljanje određene dužnosti. (Uslov koji će biti ispunjen po završetku vojne akademije).
  
- 2. Posebni uslovi:**
  - a) Da je kandidat ženskog pola (zahtjev MO Ujedinjenog Kraljevstva Velike Britanije i Sjeverne Irske),
  - b) završen fakultet (kandidatkinje sa boljim uspjehom na fakultetu će imati prednost ukoliko više kandidatkinja bude imalo jednak ukupan broj bodova),
  - c) da nije starija od 26 godina na dan 01.06.2019. godine,

- d) znanje engleskog jezika (na provjeri poznavanja engleskog jezika da postigne minimalno 85 bodova na testu ALCPT),
- e) poznavanje rada na računaru (Word, Excel, Power Point, Internet),
- f) Fizička spremnost:
  - kandidatkinje moraju imati dobru fizičku spremnost, koja će se provjeriti kroz sljedeće discipline:

1. Trčanje na 2400 m:
  - norma je 13 minuta i 23 sekunde,
2. Trbušnjaci u trajanja od 2 minuta:
  - minimum 32 ponavljanja,
3. Slekovi u trajanja od 2 minuta:
  - minimum 10 ponavljanja.

**Napomena:** Kandidatkinje prijavljene na Javni konkurs proći će test fizičke spremnosti, test općeg znanja, test engleskog jezika i intervju. Dodatni test poznavanja engleskog jezika će izvršiti i Ured vojnog atašea Velike Britanije u BiH. Sigurnosnu provjeru za sve uspješne kandidatkinje izvršiće nadležni sektor Ministarstva odbrane BiH, a zdravstveni pregled kandidatkinja koje uspješno prođu testiranje će obaviti nadležna ustanova u organizaciji MO BiH.

Rangiranje kandidatkinja vršit će se na osnovu kriterija koje će odobriti Ministrica odbrane Bosne i Hercegovine i sa kojima će biti upoznate kandidatkinje koje budu pozvane na testiranja i provjere.

### **III – ŠKOLOVANJE, PRAVA I OBAVEZE**

1. Školovanje na Kraljevskoj zrakoplovnoj vojnoj akademiji Cranwell traje od 06.05.2019. do 13.12.2019. godine.
2. Odabrana kandidatkinja imat će status kadeta, čija će prava i obaveze biti regulisane u skladu sa članovima: 73., 142. i 143. Zakona o službi u Oružanim snagama Bosne i Hercegovine („Službeni glasnik BiH“, broj:88/05, 53/07, 59/09, 74/10 i 42/12) i članom 29 Zakona o platama i naknadama u institucijama Bosne i Hercegovine („Službeni glasnik BiH“, broj:50/08, 35/09, 75/09, 32/12 i 42/12).
3. Po završetku školovanja, kadet će biti primljen u profesionalnu službu u početnom činu oficira Oružanih snaga Bosne i Hercegovine - potporučnik, odgovarajućeg roda - službe.
4. Međusobne obaveze kandidatkinje izabrane za školovanje na Kraljevskoj zrakoplovnoj vojnoj akademiji Cranwell, Velika Britanija i Ministarstva odbrane Bosne i Hercegovine regulišu se Ugovorom o školovanju.
5. Za vrijeme školovanja kadetu je osiguran smještaj i ishrana u internatu Vojne akademije.

#### **IV POTREBNI DOKUMENTI**

- a) Prijava i lični (biografski) podaci, (isključivo po obrascima ponuđenim na [www.mod.gov.ba](http://www.mod.gov.ba)),
- b) Ovjerena kopija diplome završenog fakulteta,
- c) Original ili ovjerena kopija Uvjerenje o državljanstvu na novom obrascu ili ne starije od 6 (šest) mjeseci,
- d) Original ili ovjerena kopija Izvoda iz matične knjige rođenih na novom obrascu ili ne stariji od 6 (šest) mjeseci,
- e) Uvjerenje o nevođenju krivičnog postupka ne starije od 3 (tri) mjeseca,
- f) Potvrdu ili uvjerenje institucije/pravnog lica da u posljednje 3 (tri) godine nije otpušten/a zbog povrede službene dužnosti (za kandidatkinje koje su bile ili su još uvijek zaposlene) ili Izjava kandidatkinje ovjerena kod nadležnog općinskog organa,
- g) Prijava boravišta CIPS-a ne starija od 6 (šest) mjeseci.
- h) Dokaz o poznavanju rada na računaru (za kandidatkinje koje tokom školovanja nisu imale predmet informatika).

**Napomena:** Konkursna dokumentacija neće se vraćati kandidatkinjama.

#### **V ODABIR KANDIDATA**

**Odabir kandidata izvršit će Komisija koju će formirati Ministrica odbrane Bosne i Hercegovine.**

#### **VI PRIJAVA NA JAVNI KONKURS**

Sva tražena dokumenta treba dostaviti preporučeno putem poštanske službe na adresu:

**Ministarstvo odbrane Bosne i Hercegovine**

**ul. Hamdije Kreševljakovića 98**

**71 000 Sarajevo**

**sa naznakom „Javni konkurs za školovanje kadeta u Velikoj Britaniji“**

Konkurs ostaje otvoren osam (8) dana od dana objavljivanja. Ispunjavanje uslova utvrđenih ovim Javnim konkursom računa se danom predaje prijave.

Nepotpune, neblagovremene i neuredne prijave, prijave kandidata koji ne ispunjavaju uslove ovoga konkursa, kao i kopije tražene dokumentacije koje nisu ovjerene, neće se uzeti u razmatranje.

Broj: 10-33-2-3410-4/18  
Sarajevo, 28.12.2018. godine

**MINISTRICA**  
**Marina Pendeš**